

T690/4236d (8)

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

OCT 26 1954

奎壁春秋

卷廿七至卷三十

Harvard College Library/Imaging Services <http://imaging.harvard.edu>

CM 0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/39/33	42/57/29	82/4/79	51/50/13	50/28/29	73/19/68				
	38/14/16	66/16/18	50/5/22	43/14/21	55/9/25	71/32/0	62/34/60	40/9/43	52/48/17	31/21/21	72/23/57						

春秋卷之二十七

胡安國傳

附林堯叟音

註括例始末

定公上

公名宋襄公庶子昭公之弟諡法安民大慮曰定

周敬王十一年

鄭獻公五年魯定公九年
獻公卒子聲公勝立

齊景公三十九年

宋景公八年

晉定公三年晉魏舒為政是年卒范鞅為政魯定公十三年晉逐范中行氏趙鞅歸于晉自

是晉知氏韓氏魏氏趙氏並強分晉之勢成矣



衛靈公二十六年

蔡昭侯十年

曹隱公元年。魯定公四年。聲公弟露弑隱公。代立。是為靖公。定八年。靖公卒。子伯陽立。

頃音

滕頃公五年

陳惠公二十一年。魯定公四年。惠公卒。子懷公柳立。定八年。懷公卒。子閔公越立。

杞悼公九年。魯定公四年。悼公卒。子隱公乞立。是年七月。隱公弟過弑隱公自立。是為僖公。

僖音

薛襄公二年。魯定公十二年。襄公卒。子比立。定十三年。比弑。惠公夷立。又名寅。

莒公郊

邾莊公三十三年。魯定公三年。莊公卒。子隱公益立。

許許男斯十四年。魯定公六年。鄭滅許。以斯歸。弟元公成立。

小邾詳見昭公元年

楚昭王七年。魯定公四年。吳入楚。楚令尹子常奔鄭。昭王復國。子西為令尹。

秦哀公二十八年。魯定公九年。哀公卒。孫惠公立。

吳闔廬六年。魯定公四年。吳入楚。於越入吳。定十四年。於越敗吳于檇李。闔廬傷而卒。子夫

夫差音扶

越越子允常。魯定公四年。越入吳。定十四年。允常卒。子句踐立。吳闔廬聞允常死。率師伐越。

句音

王敬王十年。晉定三。齊景三十九。衛靈二十。一。蔡昭十。鄭獻五。曹隱元年。陳

春火定公上

惠二十一年。杞悼九。宋景八。秦哀二十八年。楚昭七。吳闔廬六。

春王。

元年必書正月。謹始也。定何以無正月。昭公薨于乾侯。不得正其終。定公制在權臣。不得正其始。魯於是曠年無君。春秋欲謹之而不可也。季氏廢太子衍及務人而立公子宋。宋者。昭公之弟。其主社稷。非先君所命。而專受之於意如者也。故不書正月。見魯國無君。定公無正。主人習其讀而問其傳。則未知己之有罪焉爾。

音註 見音現。傳林戀反。

三月。晉人執宋仲幾于京師。

音註

幾音機。大夫專執於是始。

按左氏。諸侯會城成周。宋仲幾不受功。曰。滕薛。卿。吾役也。為是執之。則有罪矣。書晉人執仲幾于京師。則貶辭也。以王事討有罪。何貶乎。按周官司隸。掌凡囚執人之事。屬於司寇。

况 邢音

于 乾音

息 熄音

招 釗音

乎 坊

夏六月。癸亥。公之喪至自乾侯。戊辰。公即位。

凡諸侯之獄訟。定以邦典。凡卿大夫之獄訟。斷以邦法。則大司寇之職也。不告諸司寇。而執人於天子之側。故雖以王事討有罪。猶貶凡此類。皆篡弑之萌。履霜之漸。執而書其地。謹之也。每謹於初而禍亂熄矣。

音註

為于偽反。

昭公之薨。已越葬期。猶未得返。至于六月癸亥。然後喪至。而定之。即位。乃在是月之戊辰。蓋遲速進退。為意如所制。不得專也。以周書顧命考之。成王之崩。在四月乙丑。宰臣太保。即於是日。命仲桓南宮毛。俾爰齊侯呂伋。以二千戈。虎賁百人。逆王世子釗于南門之外。延入翼室。宅憂。為天下主。不待崇朝而後定也。今昭公喪至。在葬期之後。公子宋自壞墮。先入。猶未得立。是知為意如所制。不得以時定。非謂正棺乎。兩楹之間。故定之。即位。不可。

本作于機京本作幾

不察也。夫即位大事也。宗嗣先定。則變故不生。蓋代君享國而主其祭。宜戚宜懼。一失機會。或萌窺伺之心。至於生變。則為不孝矣。古人所以貴於早定國家之本也。今昭公之薨。定公之即位。春秋詳書於策。非為後法。乃見諸行事。為永鑒耳。

音註

賁音奔。隕徒回。

反伺音筭。見音現。

秋七月癸巳葬我君昭公。

九月大雩。

立煬宮。

音註 煬羊去聲。

煬公伯禽之子。其曰立者。不宜立也。喪事即遠。有進而無退。宮廟即遠。有毀而無立。

冬十月隕霜殺菽。

隕音允。

穀梁子曰。菽舉重也。未可以殺而殺。舉重。可殺而不殺。舉輕。其象則刑罰不中之應。

註 中陟仲反。應於證反。

癸巳二年。敬王十二年。晉定四。齊景四十。衛靈二十七。蔡昭十一。鄭獻六。曹隱二。陳惠。

悼音到。

二十二年。杞悼十。宋景九。秦哀。二十九。楚昭八。吳闔廬七。

春王正月。

夏五月壬辰雉門及兩觀災。**音註** 觀音貫。

秋楚人伐吳。

冬十月新作雉門及兩觀。

書新作者。譏僭王制而不能革也。雉門象魏之門。其外為庫門。而臯門在庫門之外。其內。

春秋定公上。

四

卷廿七

闕音

脅音

春秋

為應門而路門在應門之內。是天子之五門也。僖公嘗修泮宮。復闕宮。非不用民力也。而春秋不書。新作南門。則獨書者。南非一門也。必有不當為者。子家駒以設兩觀為僭天子。是非諸侯之制明矣。夫撥亂反正者。必本諸身。身正者物必正。春秋於僭君必書者。必正之意也。使定公遇災而懼。革其僭禮。三家陪臣。雖欲僭諸侯。執國命。其敢乎。習舊而不知以為非。何以禁季氏之脅其主矣。故特書新作以譏之也。

甲敬王十三年。晉定五。齊景四十一。衛靈二十。八年。蔡昭十二。鄭獻七。曹隱三。陳

惠二十三。杞悼十一。宋景十。秦哀三十。楚昭九。吳闔廬八。

春王正月。公如晉。至河乃復。

二月辛卯。邾子穿卒。音註。莊公卒。子隱。公益立。

夏四月。

秋葬邾莊公。

冬仲孫何忌及邾子盟于拔。音註。拔。魯地。公羊傳作枝。

乙敬王十四年。晉定六。齊景四十二。衛靈二十。九年。蔡昭十三。鄭獻八。曹隱四。弒。

陳惠二十四。卒。杞悼十二。卒。宋景十一。秦哀三十一。楚昭十。吳闔廬九。

春王二月癸巳。陳侯吳卒。音註。惠公卒。子懷。公柳立。

三月公會劉子。晉侯。定。宋公。景。蔡侯。昭。衛侯。靈。

陳子。懷。鄭伯。獻。許男。隱。曹伯。隱。莒子。公。邾子。隱。

頓子。胡子。滕子。薛伯。杞伯。小邾子。齊國。夏子。名。

莒音 舉音 名音 卸音

傳去聲

春秋定公上

五

卷廿七

霸伯音

聲幾平

春利

陵。侵楚。

音註 晉楚交兵止此。○傳曰。劉文公合諸侯。至平丘而止。則是役。劉子為之也。劉子守內難。復辟于周。而楚納于朝。於是合十有八國之師。伐楚。雖五伯。未有盛於此者也。以周之不競。而能合諸侯。盛於五伯。俄而劉子卒。君子蓋深悲之也。

按左氏傳書伐。而經書侵楚者。楚為無道。憑陵諸夏。為一裘一馬。拘唐蔡二君。三年而後遣。蔡侯既歸。請師於晉。晉人請命於周。大合諸侯。天子之元老在焉。若能暴明其罪。恭行天討。庶幾哉王者之師。齊桓晉文之功。福矣。有荀寅者。求貨於蔡侯。弗得。遂辭蔡人。晉由是失諸侯。無功而還。**音註** 傳林戀反為于偽。書曰。侵楚。陋之也。並同。

夏四月庚辰。蔡公孫姓帥師滅沈。以沈子嘉歸。殺之。**音註** 又作生。姓音牲。

沈人不會于召陵。晉人使蔡伐之。書滅沈。罪公孫姓也。書以歸。罪沈子嘉也。書殺之。罪蔡侯也。奉詞致討。而覆其邦家。為敵所執。不死於位。皆不仁矣。所惡於前。無以先後。出乎爾者。反乎爾者也。蔡侯視楚。猶沈視蔡也。昭公拘於郢。三年而後反。非以國小而弱乎。沈雖不會。召陵。未有大罪惡也。而恃強殺之。甚矣。能無公孫翩之及哉。宋以曹伯陽歸。蔡以沈子嘉歸。皆殺之也。而或書或不書。其不書者。賤而畧之也。**音註** 覆音腹。惡鳥故反先。

右馳音

影郢音

邵召音

五月。公及諸侯盟于臯馳。**音註**

臯馳。鄭地。即成臯也。馳由又反。

○有晉侯在。何以書及諸侯盟。非晉主盟也。公會諸侯盟于薄。公會諸侯盟于宋。皆後至之文也。非後至也。而曰公及諸侯盟。則以魯主之也。是故書及劉卷卒。諸侯無會同。於是特相盟矣者。

潮朝音

矣坊本作也

定公之立。上不請於天王。下不告於方伯。而受國於季孫。意如故。三年朝晉。至河而復。今會諸侯。求為此盟。書公及者。內為志也。召陵之會。必序。不序。十有八國之諸侯。則無以見。侵楚之陋。臯鼫之盟。序與不序。非義所繫。則以凡舉可矣。

音註

見音現

杞伯成卒于會。

六月葬陳惠公。

許遷于容城。

音註

容城地闕

影郢音

從簡書。憂中國之實也。聖人道大德宏。樂與人為善。故因其從蔡。特進而書爵。囊瓦貪以敗國。又不能死。可賤甚矣。故記其出奔。特貶而稱人。春秋之情。見矣。**音註** 橫去聲。長上聲。俊音痊。復扶。又反。敗必邁。反易。以鼓反。郢音鄙。反樂音洛。見音現。

庚辰吳入郢。

音註

郢。楚都。文王所遷。

及楚人戰。則稱爵。入郢。則舉其號。何也。君舍於其君之室。大夫舍於大夫之室。狄道也。聖人誰毀誰譽。救災卹鄰。則進而書爵。非有心於與之。順天命也。乘約肆淫。則黜而舉號。非有心於貶之。奉天討也。伐國者。固將拯民於水火之中。而鳩集之耳。殺其父兄。係其子弟。毀其宗廟。遷其重器。而亂男女之配也。如水益深。如火益熱。則善小而惡大。功不足以掩之矣。聖人心無毀譽。如鏡之無妍醜也。因事物善惡而施褒貶焉。不期公而自公。爾明此。

義然後可以司賞罰音註譽平

丙申五年音註晉定七年齊景四十三衛靈三十

起杞音年陳懷公柳元年杞僖公過元年宋景

春王三月辛亥朔日有食之

夏歸粟于蔡

於越入吳音註傳曰越人今日於越復從其舊

必邲音吳楚爭而後越入中國昭五年會于瑣也越常
壽過始見於經而亟稱人後三十年而入吳不
復稱人矣晉楚之初春秋未以敵言之戰于邲
也則楚稱子矣吳楚之初春秋未以敵言之戰
于柏舉也則吳稱子矣至於吳越終春秋不
以敵言之也是故越入吳書吳入越不書

六月丙申季孫意如卒

灰翬音

內大夫有罪見討則不書卒公子翬是也仲
遂殺惡及視罪與翬同而書卒者以事之變
卒之也意如何以書卒見定公不討逐君之
賊以為大夫全始終之禮也定雖受國於季

綽媯音

氏苟有叔孫媯之見不賞私勞致辟意如以
明君臣之義則三綱可正公室強矣今苟於
利而忘其讎三綱滅公室益侵陪臣執命宜
矣故意如書卒主人習其讀而問其傳則未

知已之有音註見音現定雖受國於季氏苟
罪焉爾有叔孫媯之見不賞私勞事

聲傳去

秋七月壬子叔孫不敢卒音註媯之子即

冬晉士鞅帥師圍鮮虞音註成子也

索帥音

扶夫音

丁敬王十六年。晉定八。齊景四十四。衛靈三十三。西六年。蔡昭十五。鄭獻十。曹靖二。陳

懷二。杞僖二。宋景十三。秦哀三十三。楚昭十二。吳闔廬十一。

春王正月癸亥。鄭游速帥師滅許。以許男斯歸。

音註 游速太叔子。斯執元公成立。

二月公侵鄭。音註 自宣之季年。凡伐不言公。魯

侵鄭。則以公山不狃侯犯陽虎之專也。故曰。政逮於大夫四世矣。故夫三桓之子孫微矣。

公至自侵鄭。

夏季孫斯仲孫何忌如晉。

秋晉人執宋行人樂祁犁。

運鄆音

冬城中城。

季孫斯仲孫何忌帥師圍鄆。

稱人以執。非伯討也。祁犁聘于晉。主趙簡子。飲酒焉。獻楊楮六十。范趙方惡。其宰曰。昔吾主范氏。今子主趙氏。是賈禍也。范獻子果怒。言於晉侯曰。以君命越疆。未致使而私飲酒。不敬二君。不可不討也。乃執樂祁。執非無名。何以非伯討也。使范趙方睦。皆有獻焉。則弗執之矣。執異國行人。出於列卿私意。威福之柄移矣。三家分晉。而靖公廢為家人。豈一朝一夕之故哉。音註 飲於鳩反。楮食允反。惡如字。又烏露反。賈音古。前使去聲。

戊敬王十七年。晉定九。齊景四十五。衛靈三十三。戊七年。蔡昭十六。鄭獻十一。曹靖三。

陳懷三。杞僖三。宋景十四。秦哀三十四。楚昭十三。吳闔廬十二。

春秋定公上

春秋

春王正月。

夏四月。

鹹音咸

秋齊侯鄭伯盟于鹹。

音註

鹹衛地。○此特相盟也。特相盟。自齊桓以來。未之有也。於是再見諸侯無主盟矣。是故書石門以志諸侯之合。書鹹以志諸侯之散。此春秋之終始也。

音

齊人執衛行人北宮結以侵衛。

齊侯衛侯盟于沙。

音註

沙晉地。

大雩。

齊國夏帥師伐我西鄙。

音註

夏國佐孫。

雩音于

九月大雩。

冬十月。

己亥八年。

八年。

敬王十八年。晉定十。齊景四十六。衛靈三十三。蔡昭十七。鄭獻十二。曹靖四。卒。陳懷四。卒。杞僖四。宋景十五。秦哀三十五。楚昭十四。吳闔廬十三。

春王正月公侵齊。

公至自侵齊。

二月公侵齊。

三月公至自侵齊。

曹伯露卒。

音註
靖公卒。子伯陽立。

杞音起僖
晉希

春秋定公上

上

卷廿七

夏齊國夏帥師伐我西部。

公會晉師于瓦。

音註 瓦衛地。東郡燕縣東北有瓦亭。○不曰會士鞅而曰

將音

會晉師。重師也。鞅之戰。公會晉師于上鄆。不書諱之也。四卿並將。而以禽鄭自師逆公。三家之張成於此矣。故諱之也。於是齊師伐我。晉士鞅趙鞅荀寅救我。公會晉師于瓦。勿諱可也。

非 棐音

按左氏。晉士鞅荀寅救魯。則其書公會晉師何也。春秋大法。雖師次於君。而與大夫敵。至用大衆。則君與大夫皆以師爲重。而不敢輕也。故棐林之會。不言趙盾而言晉師。瓦之會。言晉師而不書士鞅。於以見人臣不可取民有衆。專主兵權之意。陳氏厚施於齊。以移其國。季孫盡征於魯。以奪其民。皆王法所禁也。春秋之義行。則不得爲爾矣。
音註 始施反智

公至自瓦。

秋七月戊辰陳侯柳卒。

音註 懷公卒。子閔公越立。

晉士鞅帥師侵鄭遂侵衛。

音註 此其言遂何。晉始伐與國也。於

襄之二十三年。齊始叛晉。取朝歌。去年鄭始叛晉。盟于鹹。衛始叛晉。盟齊于沙。於是侵鄭衛。又明年。及齊平。雖魯亦叛晉矣。

葬曹靖公。

九月葬陳懷公。

季孫斯仲孫何忌帥師侵衛。

冬衛侯鄭伯盟于曲濮。

音註 曲濮衛地。

從祀先公音註

先公閔公僖公也。陽虎欲去三桓而為此也。

乾音

蜀人馮山曰。昭公至是始得從祀於太廟。其說。是也。季氏逐君而制其死生之命。公薨。乾侯。不得終於正寢。既薨。七月。又不得以時歸葬。既葬。絕其兆域。又不得同於先君。而在墓道之南。至孔子為司寇。然後溝而合諸墓。則其主雖久。未得從昭穆而祔祭宜矣。及意如已卒。陽虎專季氏。將殺季孫斯而亂魯國。託於正以售其不正。始以昭公之主。從祀太廟。蓋欲著季氏之罪。以取媚於國人。然其事雖順。其情則逆。春秋原情制法。故不書禘事。與日。特曰從祀先公於盜竊寶玉大弓之上。見事出陽虎而不可詳也。其亦深切著明矣。

售音

音註

馮山字允迪。普州人。著春秋通解十二卷。見音現。

盜竊寶玉大弓音註

盜謂陽虎也。寶玉夏后氏之璜。大弓封父之繁弱。

治平聲

書曰盜竊寶玉大弓。魯無人之辭也。是故陪臣皆不書。書陽虎為盜。是治陪臣也。孔子之作春秋。治至於陪臣。斯極矣。

庚敬王十九年。晉定十一。齊景四十七。衛靈三。子陽元年。陳閔公越元年。杞僖五。宋景十。六。秦哀三十一。卒。楚昭十五。吳闔廬十四。

春王正月。

夏四月戊申。鄭伯蠆卒。

音註

蠆。敕邁反。○獻公卒。子聲公勝立。

得寶玉大弓。

甫父音

穀梁子曰。寶玉。封圭。大弓。武王之戎弓。周公受賜藏之魯。或曰。夏后氏之璜。封父之繁弱也。子孫世守。罔敢失墜。以昭先祖之德。存肅敬之心耳。古者告終易代。弘璧琬琰。天球夷。

春秋定公上

卷廿七

竊音切

王兌之戈。和之弓。垂之竹矢。莫不陳列。非直為美觀也。先王所寶。傳及其身。能全而歸之。則可以免矣。魯失其政。陪臣擅權。雖先公分器。猶不能守。而盜得竊諸公宮。其能國乎。故失之書。得之書。所以譏公與執政之臣。見不恭之大也。此義行。則有天下國家者。各知所守之職。不敢忽矣。

音註

璜音黃。繁扶元反。琬於阮反。琰以冉反。分扶問反。見音現。

六月葬鄭獻公。

秋齊侯衛侯次于五氏。

音註

五氏音地。○外會書次。自厥貉以來。

見音現

未之有也。於是再見。其再見何。中國無伯也。齊衛伐盟主。則其不書伐何。春秋重絕晉也。於襄之二十三年。嘗書齊伐晉。至是而不書何。齊始叛晉。諸侯猶有盟主也。前年鄭叛晉。盟齊於鹹。衛叛晉。盟齊于沙。明年及齊平。魯亦叛晉。諸侯無盟主矣。有盟主。非美事也。無盟主。非細故也。

是故春秋重絕晉也

秦伯卒。

音註 哀公卒。孫惠公立。

冬葬秦哀公。

春秋卷之二十七

春秋定公上

古

卷廿七

冬葬秦哀公

秦伯卒音註

惠公卒

重繇晉也
畏姑春秋

春秋卷之二十八

定公下

辛丑 敬王二十一年。晉定十二年。齊景四十八。衛靈三

曹陽二。陳閔二。杞僖六。宋景十七。秦惠公元年。楚昭十六。吳闔廬十五。

春王三月及齊平。

夏公會齊侯于夾谷。公至自夾谷。**音註** 夾谷魯地。漢東

海祝其縣有夾山

夾谷之會。孔子相。犁彌言於齊侯曰。孔丘知禮而無勇。若使萊人以兵劫魯侯。必得志焉。齊侯從之。兩君就壇。兩相揖。齊人鼓譟而起。欲以執魯君。孔子歷階而升。不盡一等。而

夫音

運郵音

濟上聲

音註

相息亮反。諫素報反。好呼報反。偏彼力反。屬章欲反。與音預。

晉趙鞅帥師圍衛。

齊人來歸鄆。龜陰田。

音註

○三邑皆汝陽田也。未有言來歸田。

者言來歸鄆。龜陰田。以是為齊人之願也。濟西言取。謹闡言取。鄆。謹。龜陰不言取。以是為齊

人之願。則以夫子相夾谷之會也。

齊人前此嘗歸濟西田矣。後此嘗歸謹及闡矣。而此獨書來歸。何也。曰歸者魯請而得之也。曰來歸者齊人心服而歸之也。定公齊侯

會于夾谷。孔子攝相事。具左右司馬。以從。至于會所。以禮相見。卻喬俘。拒兵車之命。而罷

享禮之設于野。由是齊侯歸三邑。以謝過。故楊子法言曰。仲尼用於魯。齊人章章歸其侵

疆。桓公以義責楚。而楚人求盟。夫子以禮責齊。而齊人歸地。皆書曰來。序績也。春秋。夫子

之筆削。自序其績。可乎。聖人會人物於一身。萬象異形。而同體。通古今於一息。百王異世

而無所妄也。其曰天之將喪斯文也。後死者不

得與於斯文也。天之未喪斯文也。匡人其如

予何。是以天自處。音註。從才用反。妄音忘。喪

預與音

意喬音

息浪反
處上聲

叔孫州仇仲孫何忌帥師圍郕

音註 郕魯邑東平無鹽縣

東南有郕鄉。郕音后

秋叔孫州仇仲孫何忌帥師圍郕

郕。叔孫氏邑也。侯犯以郕叛。不書於策。書圍郕。則叛可知矣。再書二卿帥師圍郕。則強亦可知矣。天子失道。征伐自諸侯出。而後大夫強。諸侯失道。征伐自大夫出。而後家臣強。其逆彌甚。則其失彌速。故自諸侯出。十世希不失矣。自大夫出。五世希不失矣。陪臣執國命。三世希不失矣。三家專魯。為日已久。至是家臣爭叛。亦其理宜矣。春秋制法本忠恕。施諸己而不願。亦勿施諸人。故所惡於上。不以使下。所惡於下。不以事上。二。三。子知傾公室以

索帥音

求仇音

宋樂大心出奔曹

自張而不知家隸之擬其後也。凡此類皆據事直書深切著明矣

音註 惡烏故反

宋公子地出奔陳

冬齊侯衛侯鄭游速會于安甫

音註 安甫齊地

叔孫州仇如齊

宋公之弟辰暨仲佗石彊出奔陳

音註

彊音

按左氏。宋公子地有白馬四。公以與桓魋。地怒。扶魋奪之。魋懼將走。公泣之。母弟辰曰。子為君禮。不過出境。君必止。子地出奔陳。公弗止。辰為之請。弗聽。辰曰。是吾廷吾兄也。吾以國人出。君誰與處。書曰。宋公之弟辰暨仲佗石彊出奔陳。其弟云者。罪宋公以嬖魋故以

處音

扶夫音

春秋

失二弟。無親親之恩。暨云者。罪辰以兄故帥其大夫。夫出奔。無尊君之義。夫暨者。不得已之詞。又以見仲佗石彊見脅於辰。不能自立。無大臣之節也。**音註** 魁徒回反。為于偽反。迂古况反。見音現。脅。胥業反。

王 敬王二十一年。**十有一年。** 晉定十三。齊景四十九。衛靈三十三。蔡昭二十。鄭聲

二。曹陽三。陳閔三。杞僖七。宋景十八。秦惠二。楚昭十七。吳闔廬十六。

振彊音

春。宋公之弟辰及仲佗石彊公子地自陳入于

蕭以叛。 **音註** 蕭。宋邑。

夏四月。

秋。宋樂大心自曹入于蕭。

扶夫音

出奔陳則稱暨。入於蕭以叛則稱及。及非不得已之詞。不得已者。夫事君者。可貧可賤。可殺。而不可使為亂。今不得已而輕於去國。猶之可也。不得已而果於叛君。則無首從之別。其罪一施之。故不稱暨而稱及。四卿在蕭以叛。而大心自曹從之。其叛可知矣。故不書叛。而曰入于蕭。入。逆詞也。書自陳自曹者。結鄰國以入叛。陳與曹之罪亦著矣。

音註 從才用反。別筆列反。

冬及鄭平。 **音註** 平不書。必關天下之大故。而後書。書。輸平以志諸侯之合。書及

鄭平以志諸侯之散。此春秋之所以終始也。

利涖音

叔還如鄭涖盟。 **音註** 叔還。叔弓曾孫。一云叔詣曾孫。還音旋。

癸卯。敬王二十二年。十有二年。 晉定十四。齊景五十。衛靈三十七。蔡昭二十一。鄭聲

春秋定公下

四

卷廿八

起 杞音

三。曹陽四。陳閔四。杞僖八。宋景十。九。秦惠三。楚昭十八。吳闔廬十七。

春薛伯定卒。

音註

襄公卒。子比立。

夏葬薛襄公。

叔孫州仇帥師墮郕。

音註

墮。毀也。音隳。郕。叔孫氏之邑也。叔孫州仇

秘 費音

墮郕。季孫斯墮費。以是為三家之願也。則以孔子之相魯也。

衛公孟彊帥師伐曹。

音註

孟彊。孟繫子也。彊苦侯反。

季孫斯仲孫何忌帥師墮費。

按左氏。仲由為季氏宰。將墮二都。於是叔孫氏墮郕。季氏將墮費。公山不狃叔孫輒帥師費人襲魯。公與三子入季氏之宮。登武子之臺。費人攻之。入及公側。仲尼命申句須樂頎下。

勝 乘音

伐之。二子奔齊。遂墮費。禮曰。制國不過千乘。都城不過百雉。家富不過百乘。以此坊民。諸侯猶有叛者。故家不藏甲。邑無百雉之城。禮所當謹也。郕費成者。三家之邑。政在大夫。三卿越禮。各固其城。公室欲張而不得也。三桓既微。陪臣擅命。憑倚其城。數有叛者。三家亦不能制也。而問於仲尼。遂墮三都。是謂以禮為國。可以為之兆也。推而行之。諸魯國而準。則

地方五百里。凡侵小而得者。必有與滅國。繼絕世之義。諸侯大夫。各謹於禮。不以其惡於上者。使其下。亦不以所惡於下者。事其上。上下交相順。而王政行矣。故曰。苟有用我者。期

月而可。三

年有成。

音註

句音劬。頎音祈。坊與防同。諸侯猶有叛者。見坊記。數色角

反惡鳥故反。

下同。期音朞。

秋大雩。

春秋定公下。

七

卷廿八

冬十月癸亥公會齊侯盟于黃

音註

黃齊地

十有一月丙寅朔日有食之

公至自黃

十有二月公圍成公至自圍成

音註

成孟氏邑○公行不

將音 匠 歸音 賈

越竟不至至圍成危之也初作三軍三分公室而各有其一季氏盡征之叔孫氏臣其子弟孟氏取其半焉三家之強孟氏為有君也莫難於墮邱費成易耳而公自將圍成弗克是不足與有為也齊人歸女樂三日不朝是以微罪行也

按左氏將墮成公斂處父謂孟孫曰墮成齊人必至於北門且成孟氏之保障無成是無孟氏也子偽不知我將不墮書公圍成強也其致危之也仲由為季氏宰孔子為魯司寇

饋音 潰

而不能墮成何也按是冬公圍成不克越明年孔子由大司寇攝相事然後誅少正卯與聞國政三月而商賈信於市男女別於途及齊人饋女樂孔子遂行然則圍成之時仲尼雖用事未能專得魯國之政也而辯言亂政如少正卯等必肆疑沮於其間矣成雖未墮無與為比亦不能為患使聖人得志行乎魯國以及其月則不待兵革而自墮矣

註斂力檢反相息亮反少詩照反賈音古別筆列反沮左呂反比毗至反

音

甲辰敬王二十有三年晉定十五年齊景五十一鄭

聲四曹陽五陳閔五杞僖九宋景二

春齊侯衛侯次于垂葭

音註

垂葭衛地一名耶氏高平鉅鹿縣西

耶即 耶古 闕反

南有 耶亭

春秋定公下

六

卷廿八

強焉。邦分崩而不能守也。春秋於晉事，或畧而不序，或賤而稱人，或書侵以陋之，責亦備矣。至是三卿內叛，直書於策，見其效也。故臧哀伯曰：國家之敗，由官邪也。官之失德，寵賂章也。晉卿始禍，緣衛貢也。樂祁見執，獻楊楮也。蔡侯從吳，荀寅貨也。昭公弗納，范鞅賂也。而晉室自是不復能主盟矣。故為國以義，不利。春秋之大法在焉。見諸行事，亦可謂深切著明矣。

音註

見音現。楮，食允反。復扶又反。

晉趙鞅歸于晉

音註 欒盈魚石猶言入。至鞅而後言歸，則晉無人之辭也。

此韓趙魏分晉之本也。叛臣至於書歸，則佚賊不足錄矣。

按左氏荀范奔朝歌，韓魏以趙氏為請，鞅入于絳，盟于公宮。然則書歸者，易詞也。韓魏為之請，晉侯許之復，而寅與吉射去國出奔，則無有難之者，故其歸為易矣。三子之叛，其罪

佚音

一也。鞅以有援，故得復。寅吉射以無助，故終叛。春秋書鞅歸于晉，非與之也。以罪晉侯，縱失有罪，無政刑耳。叛逆，人臣之大惡，始禍晉國之載書，既不能致辟於鞅，奉行天討，以警亂臣。又亢不衷，徇韓魏之請而許之復，無政刑矣。其能國乎？先儒或謂言歸者，以地正國也。鞅取晉陽之甲，以逐君側之惡人，則其說誤矣。以地正國而可，是人主可得而脅，人臣擅興無罪，以兵諫者，真愛其君也。使後世賊臣稱兵向闕，以誅君側為名，而實欲脅君取國者，則此說啓之也。

音註

易以豉反。為于偽反。援於春反。辟音

關亢苦浪反。脅胥業反。

薛弒其君比

音註

比弒，子惠公夷立。又名寅。

稱國以弒者，當國大臣之罪也。孫復以為舉國之眾皆可誅，非矣。三晉有國，半天下，若皆

可誅。刀鋸不亦濫乎。穎川常秩曰。孫復之於春秋。動輒有罪。蓋商鞅之法耳。棄灰於道者。有誅。步過六尺者。有罰。其不即人心。遠矣。王回以是尚秩。此善譏復者。
音註 常秩。字夷甫。宋嘉祐熙寧間人。

乙巳 敬王二十有四年。晉定十六。齊景五十二。衛靈三十九。蔡昭二十三。鄭

聲五。曹陽六。陳閔六。杞僖十。宋景二十。秦惠五。楚昭二十。吳闔廬十九。卒。

春。衛公叔戌來奔。衛趙陽出奔宋。

公叔戌將去南子之黨。夫人慙曰。戌將為亂。故公叔來奔。趙陽北宮結皆戌黨也。故亦出奔。而靈公無道。不能正家。以喪其大臣之罪著矣。戌又以富見惡於衛侯。夫富者。怨之府也。使戌積而能散。以財發身。不為貪人之所怨。於以保其爵位。倘庶幾乎。
音註 去起。

扶夫音

希僖音

呂反喪息浪反惡烏故反

二月辛巳。楚公子結。陳公孫佗人帥師滅頓。以

頓子牂歸。**音註** 牂音戕。○頓欲事晉而絕陳好。故也。

夏。衛北宮結來奔。**音註** 北宮結。公戌黨。

五月。於越敗吳于檇李。吳子光卒。**音註** 檇李。今

與縣南有檇李城。檇音醉。○此越句踐元年也。史記。吳闔廬聞越允常死。與師伐越。句踐襲敗吳師。射殺闔廬。闔廬卒。子夫差立。

按左氏。吳伐越。句踐禦之。患其整也。使罪人三行。屬劍於頸。吳師屬目。因伐之。闔廬傷而卒。書敗者。詐戰也。定公五年。於越入吳。至是敗吳於檇李。會黃池之歲。越又入吳。悉書於

夫差音扶

好音浩

讐音 紬

史以其告也。哀之元年。吳子敗越。棲句踐於會稽之上。豈獨不告。而史策不書。疑仲尼削之也。吳子光卒。夫差使人立於庭。苟出入。必謂已曰。而忘越王之殺而父乎。則對曰。唯。不敢忘。三年。乃報越。然則夫椒之戰。復父讐也。非報怨也。春秋削而不書。以為常事也。其旨微矣。**音註** 句古侯反。行戶郎反。屬章欲反。會古矣。反。稽古。今反。夫音扶。差初佳反。唯以水反。

公會齊侯衛侯于牽 **音註**

牽。衛地。今魏城黎陽縣東北有牽城。齊魯

行音 杭

為會止此。○晉人圍朝歌。公會齊衛於脾上。梁之閒。謀救范中行氏也。○鄭得罪於王。而齊挾之以叛晉。范中行得罪於君。而齊挾之以撓晉。景公問政。子曰。君君。臣臣。其以是歟。**公至自會。**

洮音 陶

秋齊侯宋公會于洮 **音註**

洮。曹地。

天王使石尚來歸脤 **音註**

脤。市軫反。○周魯之交止此。

衛世子蒯聵出奔宋 **音註**

蒯苦怪反。聵五怪反。

世子。國本也。以寵南子故。不能保世子而使之去國。以欲殺南子故。不能安其身。至於出奔。是輕宗廟社稷之所付託。而恣行矣。春秋兩著其罪。故特書世子。其義不繫於與蒯聵之世。其國也。而靈公無道。不能正家。以危其國本。至使父子相殘。毀滅天理之所由著矣。

衛公孟彊出奔鄭 **音註**

公孟彊。蒯聵之黨。

宋公之弟辰自蕭來奔

大蒐于比蒲 **音註**

大蒐止此。自舍中軍。公不與兵政者四十年矣。於是蒐比

比音 毘

蒲。則以季孫斯叔孫州仇之墮費郈也。故曰。政逮於大夫。四世矣。故夫三桓之子孫微矣。

扶夫音

邾子來會公。

音註 會公於比蒲

城莒父及霄。

音註 莒父。霄。二邑名。父音甫。

丙敬王二十有五年。

晉定十七。齊景五十三。衛靈四十。蔡昭二十四。鄭聲

六。曹陽七。陳閔七。杞僖十一。宋景二十。秦惠六。楚昭二十一。吳子夫差元年。

春王正月。邾子來朝。

潮朝音

鼯鼠食郊牛。牛死。改卜牛。

音註 鼯音奚

二月辛丑。楚子滅胡。以胡子豹歸。

按左氏。吳之入楚。胡子盡俘楚邑之近胡者。楚既定。又不事楚。曰。存亡有命。事楚何為。為

俘音

是楚滅之。夫滅人之國。其罪大矣。然胡子豹乘楚之約。盡俘其邑之近胡者。所謂國必自滅。而後人滅之。非滅之者獨有罪也。國君造命。不可委命者。既以為有命。而又貪生忍辱。不死於社稷。則是不知命矣。書以歸。罪豹之不能死位而與歸也。故楚子書爵而胡子豹名。

音註

吳之入楚。定公四年。為于偽反。

夏五月辛亥。郊。

壬申。公薨于高寢。

音註

高寢。宮名。

鄭罕達帥師伐宋。

齊侯衛侯次于蕞蔭。

音註

蕞蔭。宋地。

邾子來奔喪。

音註

諸侯來奔喪。於是始

蕞蔭音渠 除音渠

春秋定公下

姒詞
上聲

春秋 秋七月壬申姒氏卒。

八月庚辰朔日有食之。

九月滕子來會葬。

丁巳葬我君定公雨不克葬。

戊午日下昃乃克葬。

辛巳葬定姒。

公羊曰。有子則廟。廟則書葬。曾子問並有喪則如之何。子曰。葬先輕而後重。其奠也。其虞也。先重而後輕。

冬城漆。

音註

漆魯邑

春秋卷之二十八

春秋卷之二十九

胡安國傳

附林堯叟音註括例始末

哀公上

公名蔣。定公之子。蓋夫人定姒所生。諡法恭仁短折曰哀。

周

敬王二十六年。敬王四十年。孔子卒。魯哀公十九年。敬王崩。子元王立。此據左傳所載。

按諸本。敬王崩。或作哀公十七年。十八年。或作哀公二十年。未詳孰是。

鄭

聲公七年。聲公二十二年。孔子卒。

齊

景公五十四年。魯哀公五年。景公卒。安孺子荼立。是年弒悼公。陽生立。哀十年。悼公弒。子簡公立。哀十四年。田常弒簡公。立其弟驁。

悼音到驚音鰲

宋

景公二十三年。景公三十八年。孔子卒。

春秋

哀公上

卷廿九

伯與
霸同
贖音
會

晉 定公十八年。晉霸衰微。魯哀公十三年。會吳於黃池。吳始稱伯。

衛 靈公四十年。魯哀公二年。靈公卒。孫出公。輒立。是年。晉納衛太子蒯聩于戚。父子爭國。

哀十五年。蒯聩入。是為莊公。輒出奔。哀十七年。莊公弑。立公孫般。師。十二月。齊伐衛。立公子起。執般。師以歸。哀十八年。衛逐起。輒復入。

蔡 昭侯二十五年。魯哀公四年。昭侯弑。子成侯立。

曹 伯陽八年。魯哀公八年。宋滅曹。

滕 頃公十六年。魯哀公四年。頃公卒。子隱公。虞母立。哀十一年。隱公卒。

陳 閔公八年。魯哀公十六年。楚滅陳。殺閔公。僖公十二年。魯哀公八年。僖公卒。子閔公維立。

杞 僖公十二年。魯哀公八年。僖公卒。子閔公維立。

秦 惠公七年。魯哀公三年。惠公卒。子悼公立。魯哀十八年。悼公卒。子共公立。

薛 惠公三年。魯哀公十年。惠公卒。

莒 公 郊

邾 隱公十一年。魯哀公七年。魯入邾。執邾子益。哀八年。歸。吳又討邾子。囚諸樓臺。柝之以棘。使諸大夫奉子革以為政。哀十年。邾子益來奔。

許 元公十年。魯哀公十三年。元公卒。

小邾 詳見昭公元年。

楚 昭王二十二年。魯哀公六年。昭王卒。子惠王章立。哀十六年。楚白公勝殺令尹子西。攻惠王。葉公攻白公。白公自殺。惠王復國。哀十八年。惠王卒。

秦 惠公七年。魯哀公三年。惠公卒。子悼公立。魯哀十八年。悼公卒。子共公立。

涉 葉音

邾音 朱柝 音荐

頃音 傾

春秋

夫差二年。魯哀公元年。入越。棲越于會稽。越

行成。哀十年。吳誅伍員。哀十四年。會晉黃池。

越入吳。哀二十年。越圍

吳。哀二十二年。越滅吳。

越。句踐二年。魯哀公元年。吳入越。棲於會稽。以

行成。用大夫種。范蠡為政。哀十四年。入吳。哀

二十年。圍吳。哀二十一年。始來聘。魯哀二十

二年。滅吳。乃以兵北渡淮。與齊晉諸侯會於

徐州。周元王使人賜句踐胙。為伯。越兵

橫行於江淮。東諸侯畢賀。號稱霸王。

丁。敬王二十二年。元年。晉定十八年。齊景五十四年。衛

未。十六年。靈四十八年。蔡昭二十五年。鄭

聲。七年。曹陽八年。陳閔八年。杞僖十二年。宋景

二十三年。秦惠七年。楚昭二十二年。吳夫差二年。

春。王正月。公即位。

楚子陳侯隨侯許男圍蔡。

音註。鄭滅許矣。其再

見何復正也。復

正有三。辭莫善於自克。復者也。是故襄王嘗書

出。已而書王。則愈於敬王書入矣。許嘗書滅。已

夫音

扶

郢音

穎帥

音索

颺

音

奚

颺

音

颺

音

颺

春秋 哀公上

三

卷廿九

夏四月辛巳郊。

雞鼠食郊牛。改卜牛。志不敬也。夏四月郊。書不時也。四卜非禮。五卜強也。全曰牲。傷曰牛。已牛矣。其尚卜免之何也。嘗置之上帝矣。故卜而後免之。不敢專也。昔者周公郊祀后稷以配天。此成王諒陰之時。位冢宰。攝國政。行天子之事也。魯何以得郊。成王追念周公有大勳勞於天下。而欲尊魯。故賜以重祭。得郊禘大雩。然則可乎。孔子曰。魯之郊禘非禮也。周公其衰矣。欲尊魯而賜以人臣不得用之禮樂。豈所以康周公也哉。天子祭天地。諸侯祭社稷。大夫祭五祀。庶人祭先祖。此定禮也。今魯得郊以為常事。春秋欲削而不書。則無以見其失禮。盡書之乎。則有不勝書者。故聖人因其失禮之中。又有失焉者。則書于策。所謂由性命而發言也。聖人奚容心哉。因事而書。以誌其失為後世戒。其垂訓之義人矣。

諒書 作亮 陰音 闡寧 音于

音註

周公郊祀后稷以配天。據孝經。強其丈。反見音現。勝音升。

秋齊侯衛侯伐晉。

音註

伐夷儀。不書。書次五氏。伐河內。不書。書次垂葭。

葭音 嘉音 帥音 索

公會齊衛于牽。帥狄師襲晉。戰于絳中。猶不書也。諸侯之無伯。春秋誠有不忍書也。必於是而後書。春秋蓋將終焉。是故春秋之初。諸侯無王者。齊鄭宋魯衛也。春秋之季。諸侯無伯者。亦齊鄭宋魯衛也。

冬仲孫何忌帥師伐邾。

戊敬王二十二年。晉定十九。齊景五十五。衛靈四十七。申十七年。卒。蔡昭二十六。鄭聲八。曹

陽九。陳閔九。杞僖十三。宋景二十四。秦惠八。楚昭二十三。吳夫差三。

春王二月。季孫斯叔孫州仇仲孫何忌帥師伐

夫差 音扶 釵

澗音

邾取澗東田及沂西田

音註

見三家之專兵權也

癸巳叔孫州仇仲孫何忌及邾子盟于句繹

音

註句繹邾地。句音勾。○自是內外盟皆不書不足書也

預與音

遜孫音

曷為列書三卿。哀公得國不張公室。三卿並將。魯眾悉行。伐國取地以盟其君而已。不與焉。適越之辱兆矣。定公之薨。邾子來奔喪。事魯恭矣。而不免於見伐。徒自辱焉。不知以禮為國之故也。邾在邦域之中。不加矜恤。而諸卿相繼伐之。既取其田。而又強與之盟。不知以義睦鄰之故也。故詳書以著其罪。三人伐則曷為二人盟。盟者各盟其所得也。莫強乎季孫。何獨無得。季氏四分公室有其二。昭公伐意如。叔孫氏救意如。而昭公孫陽虎囚桓子。孟孫氏救桓子。而陽虎奔。今得邾田。蓋季氏以歸二家而不取也。

音註

將去聲強

其丈反

夏四月丙子衛侯元卒

音註

靈公卒。蒯聩之子輒立

滕子來朝

音註

滕朝止此

晉趙鞅帥師納衛世子蒯聩于戚

音註

戚衛邑。○于戚

帥音 索下 同 屬音 竹

內弗受也。輒拒父也。後十二年而蒯聩入于衛。衛侯輒來奔。則是輒拒父也。世子正也。屬辭比事。則輒萬世不可掩矣。

世子不言納。位其所固有。國其所宜。君謂之儲副。則無所事乎納矣。凡公子出奔復而得國者。其順且易。則曰歸。有奉焉。則曰自。其難也。則曰入。不稱納矣。况世子哉。今趙鞅帥師以蒯聩復國。而書納者。見蒯聩無道。為國人之所不受也。國人不受而稱世子者。罪衛人

之拒之也。所以然者。緣蒯聵出奔。靈公未嘗有命廢之。而立他子。及公之卒。大臣又未嘗謀於國人。數蒯聵之罪。選公子之賢者。以主其國。乃從輒之。所欲而君之。以子拒父。此其所以稱世子也。人莫不愛其親。而志於殺。莫不敬其父。而忘其喪。莫不慈其子。欲其子之富且貴也。而奪其位。蒯聵之於天理逆矣。何疑於廢黜。然父雖不父。子不可以不子。輒乃據國而與之爭。可乎。故特繫納衛世子蒯聵于戚。於趙鞅帥師之下。而鞅不知義。靈公與衛國大臣。不能早正國家之本。以致禍亂。其罪皆見矣。

音註

易見竝去聲。數上聲。

秋八月甲戌。晉趙鞅帥師及鄭罕達帥師戰于

鐵。鄭師敗績。

音註

鐵。衛地。在戚城南。

冬十月。葬衛靈公。

十有一月。蔡遷于州來。蔡殺其大夫公子駟。

夫音 扶 誑光 去聲

州來。吳所滅也。蔡雖請遷于吳。而中悔。吳人如蔡。納聘而師畢入。蔡侯告大夫。殺公子駟。以說。哭而遷墓。如此。則實吳人之所遷也。而經以自遷為文。何也。楚既降蔡。使疆于江汝。蔡人聽命。而還師矣。復背楚。請遷于吳。而又自悔也。其謀之不臧甚矣。夫遷國大事也。盤庚五遷。利害甚明。衆猶胥怨。不適有居。至于丁寧反覆。播告之脩。而後定也。今蔡介于吳楚。二大國之間。背楚誑吳。及其事急。又委罪於執政。其誰之咎也。故經以自遷為文。而殺公子駟。則書大夫而稱國。言君與用事大臣擅殺之也。放公孫獵。則書大夫而稱人。言國亂無政。衆人擅放之也。駟與獵。其以請遷於吳。為非者乎。而委之罪。以說。誰敢有復盡忠而與謀其國者哉。

音註

說如字。降戶江反。還音旋。背音佩。復音伏。介閒。廁反。

己敬王二年三年。晉定二十。齊景五十六。衛出公

西十八年。紀僖十四。宋景二十五。鄭聲九。曹

夫差 音扶 釵

春齊國夏衛石曼姑帥師圍戚

音註

而齊借衛

以圍之。父子之義。

京本 伐鄭

景公未之察也。按左氏。靈公游于郊。公子郢御。公曰。余無子。將立汝。對曰。郢不足以辱社稷。君其改圖。君夫人在堂。三揖在下。君命祇辱。靈公卒。夫人曰。命公子郢為太子。君命也。對曰。郢異於他子。且君沒於吾手。若有郢必聞。且亡人之子。輒在。乃立輒。以拒蒯聵。蒯聵前稱世子者。所以深罪輒之見立不辭。而拒其父也。輒若可立。則蒯聵為未絕。未絕。則是世子尚存。而可以拒乎。主兵者衛也。何以序齊為首。罪齊人與衛之為惡。而黨之也。公孫文仲主兵伐鄭。

上有

以字

殤音

商

為去 聲

舍音

而序宋為首。以誅殤公。石曼姑主兵圍戚。而序齊為首。以誅國夏。訓天下後世。討亂臣賊子之法也。古者孫從祖。又孫氏王父之字。考於廟制。昭常為昭。穆常為穆。不以父命辭王命。禮也。輒雖由嫡孫得立。然非有靈公之命。安得云受之。王父辭父命哉。故冉有謂子貢曰。夫子為衛君乎。子貢曰。諾。吾將問之。入曰。伯夷叔齊何人也。曰。古之賢人也。曰。怨乎。曰。求仁而得仁。又何怨。出曰。夫子不為也。伯夷以父命為尊。而讓其弟。叔齊以天倫為重。而讓其兄。仲尼以為求仁而得仁者也。然則為輒者。奈何。宜辭於國。曰。若以父為有罪。將從王父之命。則有社稷之鎮。公子在。我焉得為君。以為無罪。則國乃世子之所有也。天下豈有無父之國哉。而使。我立乎其位。如此。則言順而事成矣。是故輒辭其位。以避父。則衛之臣子。拒蒯聵而輔之。可也。輒利其位。以拒父。則衛之臣子。舍爵祿而去之。可也。烏有父不

慈。子不孝。爭利其國。滅天理而可為者乎。誅。殤公。事見隱公四年。祇音支焉。於虔反。

音註

公孫文仲主兵伐鄭。而序宋為首以

夏四月甲午地震。

五月辛卯桓宮僖宮災。

桓僖親盡矣。其宮何以存。季氏者。出於桓。立於僖。世專魯國之政。其諸以是為悅而不毀歟。何以不稱及等也。稱及。則祖有尊卑矣。或謂祖有功。宗有德。所以勸也。則如之何。曰。孝子慈孫。事其祖考。仁也。或七廟。或五廟。自是而衰。禮也。奚問其功德之有無也。必若此言。是子孫得選擇其祖宗。而尊事之矣。豈理也哉。

音註

衰初危反殺也

季孫斯叔孫州仇帥師城啓陽

音註

啓陽魯邑今益都路

沂州臨沂縣有故啓陽城

帥音索

宋樂髡帥師伐曹

秋七月丙子季孫斯卒

蔡人放其大夫公孫獵于吳

音註

公孫獵公子駟之黨

冬十月癸卯秦伯卒

叔孫州仇仲孫何忌帥師圍邾

庚敬王二十四年

晉定二十一年。齊景五十七。衛出。戌十九年。二。蔡昭二十八。殺鄭聲十。曹陽

十一。陳閔十一。杞僖十五。宋景二十六。秦悼公元年。楚昭二十五。吳夫差五。

春王二月庚戌盜殺蔡侯申

音註

昭侯殺子成侯立。○書曰

殺左傳作

春秋哀公上

卷廿九

弒

盜。疏且賤者也。以為貴近無人也。是故稱人稱國以殺。是在官者無人也。稱盜以殺。是在官者無人也。

扶夫音 現見音

按左氏。蔡侯將如吳。諸大夫恐其又遷也。公孫翩逐而射之。卒。然則翩非微者。其以盜稱何也。蔡侯背楚誑吳。又委罪於執政。其謀國如是。則信義俱亡。禮文並棄。無以守身而自衛。夫人得而害之矣。故變文書盜。以警有國之君也。翩弒君而略其名氏。姓與霍皆翩之黨。稱國以殺而不去其官者。二公孫蓋嘗謀國。不使其君至於於是而弗見庸者也。故書法如此。而或者以翩非微者而稱盜。蘇轍以謂求名而不得。非矣。天下豈有欲求弒君之名。春秋又惜此名而不與者哉。

音註

蔡侯背楚誑吳。又委罪於執政。見二年。射食亦反背音佩。去起呂反。

父音 甫與音 預

蔡公孫辰出奔吳。**音註** 書公薨。夫人姜氏孫于邾。公子慶父出奔莒。則夫人慶父與聞乎弒矣。書盜殺蔡侯申。公孫辰出奔吳。則公孫辰與聞乎殺矣。

葬秦惠公。

宋人執小邾子。

夏蔡殺其大夫公孫姓。公孫霍。**音註** 姓音生。又音性。○皆

弒君 黨

晉人執戎蠻子赤歸于楚。**音註** 晉執戎蠻子。不歸天子。而歸于

楚。是京 師楚也

楚圍蠻氏。蠻子赤奔晉。楚謂晉曰。晉楚有盟。好惡同之。若將不廢。則寡人之願也。不然。將

京本 氏下

無蠻
字界
音記

春秋

通於少習以聽命。趙鞅曰：晉國未寧，安能惡楚？必速與之。乃詐執蠻子以畀楚師。其曰：晉人云者，罪之也。蠻子赤，何以名夷狄也？無罪見執，亦書名。外之也。文公執曹伯，則曰：畀宋人。今此曷云歸于楚？歸于楚者，猶曰：京師楚也。晉主夏盟，為日久矣，不競至此。春秋所惡也。
音註 好呼報反。惡烏故反。少詩照反。

城西郭

六月辛丑，亳社災。

音註

亳，步各反。○亳社，殷社也。諸侯有之，以為廟。屋，使不得上通於天，故災。

秋八月甲寅，滕子結卒。
冬十有二月，葬蔡昭公。

音註

頃公卒，子隱公虞母立。

頃音

葬滕頃公。

辛亥十年

五年

晉定二十二年，齊景五十八卒。衛出三。蔡成公朔元年，鄭聲十。

曹陽十二。陳閔十二。杞僖十六。宋景二十七。秦悼二。楚昭二十六。吳夫差六。

春城毗

音註

毗，魯地。頻夷反。

夏齊侯伐宋。

晉趙鞅帥師伐衛。

音註

衛助范氏故也。

秋九月癸酉，齊侯杵臼卒。

音註

景公卒，子安孺子荼立。

冬叔還如齊。

音註

還音旋。

閏月葬齊景公。

帥音

春秋 哀公上

卷廿九

王敬王三年六年。晉定二十三年。齊安孺子荼元年。

陽十三。陳閔十三。杞僖十七。宋景二十。八。秦悼三。楚昭二十七。卒。吳夫差七。

春城邾瑕。音註。城止此。邾邑。書。

晉趙鞅帥師伐鮮虞。

吳伐陳。

夏齊國夏及高張來奔。音註。齊殺其大夫高厚。齊崔杼弑其君光。

齊國夏及高張來奔。齊陳乞弑其君荼。聖人之垂戒深矣。

叔還會吳于柤。音註。還音旋。柤地。闕。莊加反。

秋七月庚寅。楚子軫卒。音註。昭王卒。子惠王立。

剽颯
上聲

齊陽生入于齊。齊陳乞弑其君荼。音註。荼音徒。○衛侯

入于夷儀。衛甯喜弑其君剽。則喜為衛侯弑也。齊陽生入于齊。齊陳乞弑其君荼。則乞為陽生也。也。也。

陽生曷為不稱公子。非先君之子也。為人子者。無以有己。則以父母之心為心者。景公命

荼世其國。已則篡荼而自立。是自絕於先君。豈復得為先君之子也。不稱公子。誅不子也。

陽生不子。則曷為繫之齊。春秋端本之書也。正其本。則事理。陽生之不子也。其誰使之然

也。不有廢長立少。以啓亂者乎。故齊景問政於孔子。孔子對曰。君君。臣臣。父父。子子。君不

君。則臣不臣。父不父。則子不子。以陽生繫之。齊著亂之所由生也。然而弑荼者。陽生與朱

毛也。曷為書陳乞。初。景公謂陳乞。吾欲立荼。何如。對曰。所樂乎為君者。欲立則立之。不欲

何如

京本 作如 何 寘音 至

立則不立也。君如欲立，則臣請立之。陽生謂乞曰：吾聞子蓋將不欲立我也。對曰：千乘之主，將廢正而立不正，必殺正者。吾不立子者，所以生子也。與之玉節而走之魯。景公死，荼立。陳乞使人迎陽生寘諸家，召諸大夫而示之。曰：此君也。諸大夫知乞有備，不得已。逡巡北面再拜而君之爾。故里克中立，不免殺身之刑。陳乞獻諛，終被弑君之罪。是皆不明春秋之義，陷於大音註。為人子者，無以有己。見惡而不知者也。反樂音洛，乘繩證反，被皮寄反也。復扶又反，長展兩反，少詩照。

冬仲孫何忌帥師伐邾。

宋向巢帥師伐曹。

癸敬王三十二年七年。晉定二十四，齊悼公陽生元年。衛出五，蔡成三，鄭聲十三，曹陽。

十四。陳閔十四。杞僖十八。宋景二十九。秦悼四。楚惠王章元年。吳夫差八。

春宋皇瑗帥師侵鄭。音註。瑗于春反。

晉魏曼多帥師侵衛。音註。曼音萬。

夏公會吳于鄆。音註。鄆舊鄆國。

秋公伐邾。八月己酉入邾。以邾子益來。

聲 為去

情 鄆音

春秋隱君之惡，故滅國書取。婉以成章而不失其實也。恃強陵弱，無故伐人而入其國，處其宮，晝夜掠，以其君來，獻于亳社。囚于負瑕，此天下之惡也。吳師為是克東陽，齊人為是取吾二邑，辱國亦甚矣。何以備書于策而不諱乎。聖人道隆而德大，人之有惡，務去之而不積也。則不念其惡而進之矣。以邾子益來，惡也。歸邾子益于邾，是知其為惡，能去之而

不積也。故書以邾子來而不諱者。欲見後書歸邾子之為能去其惡而與之也。聖人之情見矣。明此然後可以操賞罰之權。而能濟者鮮矣。音註

宋人圍曹

冬鄭駟弘帥師救曹。音註

音註

自魯救晉。晉楚之救皆不書。六十年矣。其

再見。以中國無伯。而諸侯自相救也。諸侯自相救。猶可也。吳救陳。諸夏亦幾於亡矣。

帥音 索 幾平 聲

春秋卷之二十九

春秋卷之三十

哀公下

甲敬王三年八年。音定二十五。齊悼二。衛出六。蔡

陳閔十五。杞僖十九。卒。宋景三十。秦悼五。楚惠二。吳夫差九。

春王正月。宋公入曹。以曹伯陽歸。音註

音註

檜亡東周之始

曹亡春秋之終。夫子之刪詩也。繫曹檜於國風之後。於檜之卒。篇曰。思周道也。傷天下之無王也。曹之卒。篇曰。思治也。傷天下之無伯也。

此滅曹也。曷為不言滅。滅者。亡國之善辭。上下之同力也。曹伯陽好田弋。鄙人公孫彊獲白鴈獻之。且言田弋之說。因訪政事。大說之。彊言霸說於曹伯。因背晉而好宋。宋人伐之。

夫差 音扶 鈔

弋音 亦

晉人不救。書宋公入曹。以曹伯陽歸。而削其見滅之實。猶虞之亡。書晉人執虞公。而不言滅也。春秋輕重之權衡。故書法若此。有國者。妄聽辯言。以亂舊政。自取滅亡之禍。可以鑒矣。

音註

好呼報反說音悅
背音佩奸音干

吳伐我。

坊本不諱下有之字
夫音扶

吳為邾故。與師伐魯。兵加國都。而盟于城下。經書伐我。不言四鄙。及與吳盟者。諱之也。來戰于郎。直書不諱。盟于城下。何諱之深也。楚人圍宋。易子自食。析骸而爨。亦云急矣。欲盟城下。則曰有以國斃。不能從也。晉師從齊。齊侯致賂。晉人不可。國佐對曰。子若不許。請合餘燼。背城借一。敝邑之幸。亦云從也。遂盟于袁婁。而春秋與之。今魯未及虧。不能少待。遂有城下之盟。是棄國也。夫棄國者。其能國乎。使有華元國佐之臣。則不至此矣。故春秋不

謹音懼

夏齊人取謹及闡歸邾子益于邾。

音註

闡魯地在東平

言四鄙及與吳盟者。欲見其實而深諱之。以為後世謀國之士。不能以禮義自強。偷生惜死。至於侵削陵遲。而不知恥者之戒也。

音註

為于偽反燼似刃反背音佩華戶化

剛縣北闡
尺善反

秋七月。

冬十有二月癸亥杞伯過卒。

音註

僖公卒子閔公立過音戈

齊人歸謹及闡。

按左氏邾子益齊出也。魯以益來。則齊人取謹及闡。又如吳請師。而怒猶未怠也。以此見

國君之造惡不悛。則四鄰謀取其國家。莫能保矣。歸邾子益于判。則齊人歸讜及聞。又辭師于吳。而德猶未泯也。以此見國君去惡而不積。則四鄰不侵其封境。而自安矣。曰以日取者。逆詞也。曰歸者。順詞也。去逆效順。息爭休兵。齊無取地之罪。魯無失地之辱。以此見遷善之優。改過之大。而春秋不諱入邾以邾子益來者。以明歸益于邾之能掩其前惡而美之也。

音註

造在早反。悛音銓。去起呂反。下同。

悼音到

乙敬王三十九年。晉定二十六年。齊悼三。衛出七。蔡卯十四年。成五。鄭聲十五。陳閔十六。杞閔公維元年。宋景三十一。秦悼六。楚惠三。吳夫差十。

春王二月葬杞僖公。

宋皇瑗帥師取鄭師于雍丘。**音註**雍丘。宋地。今為縣。屬陳留。

郡。雍於勇反。

夏楚人伐陳。

秋宋公伐鄭。

冬十月。

丙敬王三十年。晉定二十七。齊悼四。卒。衛出八。辰十五年。蔡成六。鄭聲十六。陳閔十七。杞閔二。宋景三十二。秦悼七。楚惠四。吳夫差十一。

春王二月邾子益來奔。

公會吳伐齊。三月戊戌齊侯陽生卒。**音註**悼公弒。子簡公。

簡公。壬立。

夫差音扶。釵。

髮音坤

坊本弒上無見字

按左氏公會吳伐齊。齊人弒悼公赴于師。春秋不著齊人弒君之罪。而以卒書者。亦猶鄭伯髮頑弒而書卒。不忍以夷狄之民加中國之君也。其存天理之意微矣。魯人入邾。以其君來。罪也。齊侯為是取謹及闡。如吳請師討之也。魯人悔懼。歸益于邾。是知其罪而能改也。齊侯為是歸謹及闡。又辭師于吳。是變之正也。夫變之正者。禮義之所在。中國之君也。吳人欲遂前言而背違正理。狄道也。齊之臣子。不能將順。上及其君。此天下大變。常理之所無也。故沒其見弒之禍。而以卒書。其旨深矣。春秋弒君大惡。不待貶絕而自見也。君而見弒。豈無不善之積。以及其身乎。若夫悼公變而克正。則無不善之積矣。故以卒書而沒其見弒。所謂不忍以夷狄之民加中國之君也。而存天理之意微矣。

音註

為于偽反

下同夫音扶背音佩見音現

夏宋人伐鄭

晉趙鞅帥師侵齊

五月公至自伐齊

葬齊悼公

衛公孟彊自齊歸于衛

薛伯夷卒

秋葬薛惠公

冬楚公子結帥師伐陳。吳救陳。

音註

此延州來季子也。不

幾平聲

書。誼不在季子也。吳救陳。諸夏幾於亡也。

彊口平聲

春秋哀公下

四

卷三十

處上
聲父
音甫

春秋惡首亂善解紛自誅亂臣討賊子之外凡書救者未有不善之也救在遠國則罪四鄰晉陽侯子突救衛是也救在夷狄則罪中國楚公子處父救江是也救在夷狄則罪中國楚公子貞救鄭狄救齊吳救陳是也吳雖蠻夷之國來會于戚則進而書人矣使季札聘則又進而書子矣救而果善曷為獨以號舉而不進之也其以號舉而不進之者深著楚罪而傷中國之衰也陳者有虞之後嘗為楚滅而僅存耳今又無故興師肆行侵伐而列國諸侯縱其暴橫不能脩方伯連帥之職而吳能救之故獨能號舉深著楚罪而傷中國之衰也子欲居九夷乘桴浮于海而曰夷狄之有君不如諸夏之亡也其書吳救陳之意乎

音

註 惡鳥故反橫去聲帥所類反

丁巳 敬王三十有一年 晉定二十八齊簡公壬元年衛出九蔡成七鄭聲十

音甫
醒夫
音扶

春齊國書帥師伐我

七。陳閔十八。杞閔三。宋景三十。
三。秦悼八。楚惠五。吳夫差十二。

諸侯來伐無有不書四鄙者今齊師及清涉泗非有城下之盟可諱之辱亦書伐我何也傅說復於高宗曰惟甲冑起戎惟干戈省厥躬夫省厥躬者自反之謂也自反而縮則為壯自反而不縮則為老師之老壯在曲直曲直自我而不繫乎人者也邾子齊之甥魯嘗入邾以其君來齊人為是取讎及闞請師于吳曲在我也及歸邾益而齊人歸讎及闞又辭吳師直在齊矣魯人何名會吳伐之也故春秋之記斯師特曰伐我者欲省致師之責而躬自厚也垂訓之義大矣

音註 說音悅為于偽反

夏陳轅頗出奔鄭

春秋 哀公下

五

卷三十一

師音

五月公會吳伐齊。

甲戌齊國書帥師及吳戰于艾陵。齊師敗績。獲

齊國書。

音註 艾陵齊地。齊魯交兵止此。

秋七月辛酉。滕子虞母卒。

冬十有一月。葬滕隱公。

衛世叔齊出奔宋。

戊敬王三十七年

十有二年

晉定二十九年。齊簡二。衛出。蔡成八。鄭聲十八。陳閔

悼九。楚惠六。吳夫差十三。秦

春用田賦

音註

以兵賦一乘為未足。又以田賦之也。田賦之也者。家一人也。家

乘去聲

一人。管子內政之法也。諸侯之益兵自齊始。晉次之。州兵是也。春秋之季。魯亦行之矣。是故作丘甲。用田賦。不書初。

夫音

始弛音

哀公問於有若曰。年饑用不足。如之何。有若對曰。盍徹乎。曰。二吾猶不足。如之何其徹也。曰。百姓足。君孰與不足。百姓不足。君孰與足。古者公田什一。助而不稅。魯自宣公初稅畝。後世遂以為常而不復矣。至是二猶不足。故又以田賦也。夫先王制土籍田以力而砥其遠邇。賦里以入而量其有無。今用田賦。軍旅之征。非矣。田以出粟為主。而足食。賦以出軍。為主而足兵。周制。宅不毛者。有里布。無職事者。征夫家。漆林之稅。二十而五。則弛力薄征。當以農民為急。而增賦竭作。不使末業者獨幸而免也。今二猶不足。而用田賦。是重困農民而削其本。何以為國。書曰。用田賦。用者。不宜用也。近世議弛商賈之征。達於時政者。欲

先省國用。首寬農民。後及商賈。知春秋譏田賦之意矣。

音註

賈音古省所景反

夏五月甲辰孟子卒。

孟子。吳女。昭公之夫人。其曰孟子云者。諱取同姓也。禮。取妻不取同姓。買妾不知其姓則卜之。厚男女之別也。同姓從宗。合族屬。異姓主名。治際會。名著而男女有別矣。四世而總服之。窮也。五世而袒免。殺同姓也。六世親屬竭矣。其庶姓別於上。戚單於下。昏姻可以通乎。綴之以姓而弗別。合之以食而弗殊。雖百世而昏姻不通。周道然也。昭公不謹於禮。欲結好強吳。以去三家之權。忍取同姓以混男女之別。不命于天子以弱其配。不見於廟。不書于策。以廢其常典。禮之大本喪矣。其失國也宜。故陳司敗問昭公知禮乎。子曰。知禮。子退。揖巫馬期而進之。曰。吾聞君子不黨。君子亦黨乎。君娶於吳。為同姓。謂之吳。孟子。君而

綴拙 贅二 音 策京 本策

橐京 本音 托 安音 案

公會吳于橐臯。

音註

橐臯。吳地。在淮南。遂適縣東南。橐章夜反。

秋公會衛侯宋皇瑗于鄆。

音註

鄆。吳地。即發陽也。今廣陵。安陽縣東南。有發繇亭。音云。卒辭吳盟。

宋向巢帥師伐鄭。

冬十有二月螽。

己敬王三十八年十有三年。

晉定三十。齊簡三。衛出十。一。蔡成九。鄭聲十九。陳閔

春秋

二十。杞閔五。宋景三十五。秦悼十。楚惠七。吳夫差十四。

帥音

春鄭罕達帥師取宋師于品

音註

品地闕音巖

夏許男成卒。

公會晉侯

定

及吳子

夫于

黃池

音註

書會晉侯及吳子兩

伯之辭也

見音 現 伯京 本霸

黃池衛地。其言及者。會兩伯之辭也。春秋內中國而外諸夷。吳人主會。其先晉。紀常也。春秋四夷雖大。皆曰子。吳僭王矣。其稱子。正名也。以會兩伯之詞而言及者。先吳則拂經而失序。列書則泯實而傳疑。特書曰及。順天地之經。著盟會之實。又以見夷狄之強。而抑其橫也。定公以來。晉失伯業。不主夏盟。夫差暴橫。勢傾上國。自稱周室於己。為長。蓋太伯之

治平 聲

帥音 索

後以族屬言。則伯父也。而黃池之會。聖人書法如此者。訓後世治中國御四夷之道也。明此義。則知漢宣帝待單于。位在諸侯王上。蕭傅之議。非矣。唐高祖稱臣於突厥。倚以為助。劉文靖之策。失矣。何況於以父事之。如石晉者。將欲保國而免其侵暴。得乎。或曰。苟不為此。至於亡國。則如之何。曰。存亡者。天也。得失者。人也。不可逆者。理也。以人勝天。則事有在我者矣。必若顛倒冠履。而得天下。其能一朝居乎。故春秋撥亂反正之書。不可以廢焉者。也。

音註

扶夫音

楚公子申帥師伐陳。

於越入吳。

吳自柏舉以來。憑陵中國。黃池之會。遂及夏盟。可謂強矣。而春秋繼書於越入吳。所謂因

哀公下

卷二十

春秋

好去聲還音旋

見音現

事屬辭。垂戒後世。而見深切著明之義也。曾子曰：戒之戒之。出乎爾者，反乎爾。老氏曰：佳兵不祥之器。其事好還。夫以力勝人者，人亦以力勝之矣。吳嘗破越，遂有輕楚之心。及其破楚，又有驕齊之志。既勝齊師，復與晉人爭長。自謂莫之敵也。而越已入其國都矣。吳侵中國，而越滅之。越又不監而楚滅之。楚又不監而秦滅之。秦又不監而漢滅之。老氏曾子其言豈欺也哉？春秋初書於越，入吳在柏舉之後。再書於越，入吳在黃池之後。皆因事屬辭。垂戒後世。不待貶絕而見。音註：戒之戒之，深切著明之義也。而可廢乎？反乎爾，見孟子。佳兵不祥之器，其事好還，見道德經。屬章欲反，見音現。下同。長展兩反。

秋。公至自會。

晉魏曼多帥師侵衛。

中 螽音

葬許元公。

九月螽。

冬十有一月有星孛于東方。

音註 孛音勃 又音勃

盜殺陳夏區夫。

音註 區音謳

十有二月螽。

庚敬王三十四年。十有四年。晉定三十一。齊簡四。衛出申十九年。十二。蔡成十。鄭聲十二。陳

閔二十一年。紀閔六。宋景三十六。秦悼十一。楚惠八。吳夫差十五。

春西狩獲麟。

河出圖。洛出書。而八卦畫。簫韶作。春秋成。而鳳麟至。事應雖殊。其理一也。易曰：大人者，先

夫差音扶 釵

春秋 哀公下

卷二十

召音 邵騶 音鄒

天而天弗違。後天而奉天時。舜孔子。先天者也。先天而天弗違。志壹之動氣也。伏羲氏。後天者也。後天而奉天時。氣壹之動志也。有見乎此者。則曰文成而麟至。無見乎此者。以爲妖妄。而近誣。周南關雎之化。王者之風。而麟之趾。關雎之應也。召南鵲巢之德。先公之教。而騶虞。鵲巢之應也。世衰道微。暴行交作。臣弑其君者有之。子弑其父者有之。夫子爲是作春秋。明王道。正人倫。氣志天人。交相感勝之際深矣。制作文成。而麟至宜矣。商王恭默思道。帝賚良弼。得於傅巖。周公欲以身代其兄。植璧秉珪。而武王疾愈。啓金縢之策。天乃反風。出罪己之言。熒惑退舍。至於勇夫志士。精誠所格。上致日星之應。召物產之祥。蓋有之矣。况聖人之心。感物而動。見於行事。以遺天下。與來世哉。簫韶九奏。鳳儀于庭。魯史成經。麟出于野。亦常理爾。詩以正情。書以制事。禮以成行。樂以養和。易以明變。垂教亦備矣。

捨舍音

繆音 治平 聲處 上聲

則曷爲作春秋。子曰。我欲載之空言。不如見之於行事之深切著明也。知我者其惟春秋乎。何以約乎魯史。子曰。我欲觀夏道。是故之杞。而不足徵也。我欲觀殷道。是故之宋。而不足徵也。我觀周道。幽厲傷之。舍魯何適矣。何以始乎隱公。三綱淪。九法斲。天下無復有王也。何以絕筆於獲麟。其以天道終乎。聖人之於天道。命也。有性焉。君子不謂命也。是故春秋天子之事。聖人之用。撥亂反正之書。考諸三王。而不繆。建諸天地。而不悖。質諸鬼神。而無疑。百世以俟。聖人而不惑。其於格物脩身。齊家治國。施諸天下。無所求而不得。亦無所處。而不當。何莫學夫春秋。故君子誠有樂乎此也。由仲尼至於孟子。百有餘歲。若顏曾。則見而知之。若孟子。則聞而知之。由孟子而來。至於今。千有餘歲矣。其書未亡。其出於人心者。猶在。蓋有不得已焉耳矣。

音註

應於證反。下同。先悉薦反。

下同後胡豆反下同行下孟反爲于僞反見
音現下同遺唯季反徵知陵反斲音妬復扶
又反樂
音洛



金陵奎壁齋訂本莆陽鄭氏校梓



春秋卷之三十終



